

紉香草堂詩集

卷三

四



紉香州堂詩集卷之三

集蘭亭字

繡江李廷棨萼村著

暮春禊事合臨流。風日清和與不猶。列坐欣於蘭室靜。騁懷况是竹林幽。觴隨水曲娛今抱。地有山陰契古修。陳迹盛年同放浪。一亭作述感文遊。

君子館磚歌

苗生仙露家武垣。茅屋一椽隱印樊。古文篆籀溯匪渾。下及秦漢上羲軒。故宮敗址夷荒原。君子之館遺迹存。一磚珍於古磬鬲。緜緜香州堂詩集

卷之三

之以紙辨剝垠。王子爲邑馥蘭蓀。好古好士名榮尊。一斗一石恒留髡。貽我一紙如瓊璠。昔王崇儒冠諸藩。稽古之士來源源。康莊開第啟朱門。峩冠博帶日駿奔。副墨之子雒誦孫。升堂入室互攀轅。迄今華屋久隴墦。荒榛斷梗秋風翻。此磚出土如繭廬。字跡古拙撐鼉鼉。書尹不誤辨肘跟。同丁有尾春木苴。東洛無復見梁園。銅臺瓦沒鴛與鴛。大小毛公吹篴填。至今人指詩經村。此館此磚勿可讓。如西施影倩女魂。世飽梁肉厭芹菹。日酣絲竹羅瑤璫。偶然好古膺鼎捫。亦寶康瓠棄堯樽。父庚母乙安足論。况乃瓦礫餘釜盆。嗟哉苗生古處敦。世歷千載通蘭言。日華宮側猶朝暉。監子

揮鞭收紙牒。我撫此揚心鬱煩。班駁想見泥沙痕。曰膚曰寸視頂  
腎。蟲書鳥篆形騰鸞。爲河湖源孰崑崙。謂斯謂邈輒聲吞。寄語更  
揚千百番。廣及藝圃馳郵輪。

寄詞溪

辛卯季秋

繡江花柳明湖船。與君翩翩皆少年。作文不甘六朝後。尙友每及  
千載前。世珍硃硃賤結綸。夏璉殷瑚俱碌碌。茅屋數椽寒無烟。誰  
信褐中果有玉。前年野草鹿鳴時。爲我喜吟黃花詩。一行作吏千  
里外。鴻來雁去空相思。太歲在辛西風利。

天子掄才遣星使。爲君翹首望青雲。日日待看登科記。一旦聲名

紉香艸堂詩集

卷之三

二

重品題。詞溪猶是舊詞溪。共言品格高。金馬誰識當年養。禾雞東  
風綠。到瀛洲草。明春策馬長安道。奇木白麟召對歸。一曲霓裳詠  
蓬島。故人宦蹟如駘駒。樓上元龍氣未除。何當共醉中山酒。仰天  
拊缶歌烏烏。

晚抵博野

暝色崎嶇路誰知。已入城林深喧鳥語。巷僻少人聲。野火隔牆見  
一燈。當暑明兩三更。點處門吏喜相迎。

深州夜雨

涼風疎雨已淒其。況是天涯作客時。老樹虛窓聲拉雜。深燈古壁

影支離三年宦蹟麤疎甚千里家山夢寐知聽盡更籌眠不得句  
成多是感秋詩

大雪和衛文泉倒壓聚星堂韻

紙帳如冰衾如鐵寒似堯年有鶴說曉來啟戶對階墀閃爍清光  
照眼瞥乍飄檐瓦勢縱橫亂鳴窓紙聲瑣屑爐温猶留炭火微壺  
水凸起冰紋纈有客灞橋詩思佳驢背一鞭冷風掣抑或將軍夜  
縱兵鶴警聲中淮蔡滅最憐高枕臥袁安不欲千人腰肯折薄宦  
天涯如萍飄故山寥濶音塵絕高歌重擬青蓮詞快對梁園三尺  
雪酒渴自起滌宣蕤呼僮煮茗燒乾葉

初香艸堂詩集

卷之三

三

新正書懷

新正初破歲壬辰旅邸風光一番新積雪未隨晴日盡彩雲每傍  
曉樓春絃歌共樂昇平世詩酒曾爲汗漫人遙憶繡江遊眺處碧  
山如黛總含顰

宦情遙寄碧雲天回首風塵一惘然故國烟花隔千里他鄉萍梗  
已三年孤鸞憶別悲明鏡雛鳳傳經守故瓊怕見團圓天上影不  
曾人與月俱圓

初抵紫泉官舍

壬辰四月十五日

清泉本無色觸物乃或殊淪於墨則墨淪於朱則朱出山與在山

君子慎其樞我有一片心來從濟水隅凝之冰壺朗融之甘雨濡  
恒恐丹青染遂以變厥初矢茲潔白志青天秋月孤

城南謁

紫泉行宮

吏事苦塵封偶沿花柳港幽尋閱近郊農功正春耩

故宮闕崔嵬欹斜鹿掛棒入門春蔓叢榛蕪待穡藉蚪騰松偃蹇  
人立石僂僂清池激瓊瑤崇峯堆玫玕竄瓦鼠技雄攫巢鳴嚇悻  
林柯翠濕衣殿饒高引項

聖藻炳日星指畫且口講小臣思撰述細字珠脫蚌預愁暮衙催  
匆匆理訟鋸

初香艸堂詩集

卷之三

四

高碑店題壁

戴星出入日栖皇草草勞人此宦場我有黎民皆赤子那容清夢  
續黃梁征繇盡滅仍無補芻牧難求益自傷顧影真慚爲父母當  
時何事受牛羊

桑乾河上重九

節物爭堪次第催桑乾河上鎮遲迴西風楊柳添蕭瑟秋水蒹葭  
此溯洄落日村墟鴉點亂寥天關塞雁聲來歸裝已負刀環約且  
賦皇華對酒杯

桑乾河上晚眺

滿林黃葉夕陽斜  
蕭瑟西風數點鴉  
一縷炊烟遮不住  
隔蘆花是野人家

仲冬寄李集堂

河梁一別動經秋  
悵望雲山生遠愁  
涿鹿風塵增馬齒  
盧龍水雪憶貂裘  
雙歧應有張公瑞  
五斗真慚陶令求  
記否深宵狂醉處  
寒燈老屋荻花洲

書懷 寄李孚雨

四年宦味淡如水  
千里鄉心牽似絲  
寅好鶯鳴都契濶  
庚郵馬足厭紛馳  
民多菜色慚清俸  
邑有棠陰負素期  
每向鯉波頻顧影  
清泉何似在山時

初香州堂詩集

卷之三

歲暮書懷

參宿橫天歲聿除此  
邦猶記我征徂  
敢云酒興同南阮  
頗有詩情學大蘇  
夢說黃梁虛富貴  
官如絳縣在泥塗  
春來春去成何事  
千里鄉關接綠蕪

癸巳新正六日早發保陽

寒城猶柝聲  
征人先鴉起  
主僕兩三人  
一燈照行李  
驅車出郭門  
北風吹不已  
沈沈天四陰  
鍊雲而生水  
雨花雜雪花  
亂入征車裏  
憶自去年早  
窮檐飢欲死  
安得天心回  
勿令悲瑣尾  
憑軾望甘霖

泥塗正足喜

癸巳元宵

瓊樓隱約月團圓。爭奈良宵寂寞看。春色已分青帝好，鄉人知念紫姑寒。此邦凍餒憐鳩鵠，何處笙歌有鳳鸞。慚愧文康作荒穀，一燈惆悵倚闌干。

祭呂仙祠

上春一酌薦寒泉。瞻拜遺祠意灑然。大海羣蛟浮世孤雲野鶴，在青天。道成瓜字無人識，學到盧生又幾傳。我乃風塵驚噩夢，可容一借枕頭眠。

緜香艸堂詩集

卷之三

六

贈何蓉生同年

春風吹客至，有酒斟酌之。燈闌話離別，蟾魄幾盈虧。憶自歲戊子，明湖花柳時。君馳終童馬，過我董生帷。片言已心許，同遊鳳凰池。君來燕臺側，我居東海湄。元枵連析木，天文星漢垂。君登丹桂籙，我亦黃花詞。苔異岑則同，兩地各心知。東風過燕市，南宮開屣屨。魚目竟入網，而有明珠遺。贈我河陽什，寫我遊仙詩。惜我爲俗吏，勉我加糗資。於茲又揮手，息翼錦江涯。我則官畿輔，素衣盡爲緇。自來新昌國，歲不羽鳩貽。鞅掌從王事，瑣尾悲黔黎。君從蓮花幕，遙詣芙蓉坡。山城苦寂寞，客到增光儀。夜闌更漏永，相對各忘疲。

凍風吹稷雪打牕何筵筵我已泥塗辱君自神仙姿明日春明門  
縱橫黃金羈

社日郊行

皇天久不雨后土至今乾擊奠月當令釀花春尙寒叢祠神醉飽  
中谷婦艱難無字全無術求芻愧此官

雨後郊行

歸雲澹沱雨初晴四野欣欣暢物情綠樹遙運村歷落良苗新苗  
畝縱橫乳鳩呼婦碧烟隔花鴨唼雞沙水清更喜麥黃兼甚熟荷  
鋤人聽栗留聲

紉香州堂詩集

卷之三

七

述懷

甘作風塵吏燕南此剖符幅員新泰國烟水督亢圖椎魯風斯在  
農桑俗未殊絃歌思雅化素志愧吾儒

墳塋百餘里黔黎三萬家白溝畫疆域紫極望京華訓俗頻行野  
聽辭早放衙更欣公事了問字有侯芭

司牧良非易晨宵矢靖共命官值磨蝎歲祲見倥僝禱雨心齋久  
求泉足繭重窮檐勤撫恤每食曰高春

疾苦求民隱居心總稔平亂苗嚴地政拔薤樹風聲鴉集宜知變  
魚懸自勵清潛移兼默化豈敢市能名

萬口甘霖待天高喚不鷹距心愧芻牧瑣尾痛黎蒸振廩

皇恩溥通財厚俗徵宦囊慚羞溢施濟總無憑

于役棄乾水涼秋九月天甌脫樓斷岸春揭澹重泉冷露雙營月  
西風萬竈烟安瀾欣奏績疏鑿憶當年

繩隄東南域跳梁亦自豪羽林動星宿滄海望旌旄甲士風雲集  
庚郵跋涉勞將軍軍令肅曾不犯秋毫

爲邑大如礪燕陲此置郵泥塗勞將相芟舍禮王侯民隱勤籌畫  
皇輿共率由諸公冠蓋集從未事誅求

功名原小草蹤跡更勞薪回祿爲災屢岐俞療病頻戴星動出入

紉香艸堂詩集

卷之三

八

望雨歷冬春蒿目民生蹙殷憂豈在負

牧馬情珍重瞻烏尾畢逋自來關痛癢那忍更追呼

王事敦無已室人謫已俱薜蘿初服在顛頓感今吾

劍復天心轉陰陽氣盪摩更番降豐澤次第植嘉禾仕已瓜期近

民猶菜色多瘡痍殊未復莫便急催科

雲樹幾千里天涯望所思有人感蕭艾初服憶蘭離治績正多愧  
宦情空自知何如賦歸去嘯詠樂清時

雨後早行

月色淡雲裏星軺問早程征衣腥露氣行潦軋波聲駒隙稼中路

蟻音村外更曉晴知可卜東望海霞明

夜行抵白溝河宿

丙夜傳更柝車行征馬嘶出林月幾望沾袂露方滋禾茂路如巷  
村遙燈已知僕夫呼舊館酣睡啟門遲

漕河慈航寺茶話

齋魚粥鼓佛燈邊重結來來去去緣到處迷津憑問渡幾人慧業  
許生天皇華絡繹催征馬官柳漢安咽暮蟬我是紅塵倦遊客漫  
勞芋火說唐年

紫泉官舍九日偶成

初香艸堂詩集

卷之三

九

天涯薄宦此偷閒陶令風流未可攀幾輩題糕誇綵筆一杯對酒  
亦酖顏黃花爛漫逢今雨紅葉參差憶故山記得田家清夢好句  
成有客訪柴關

臥病

庭樹秋深落葉多西風蕭瑟瘦維摩催科政拙丁租累案牘形勞  
午夜過桔梗柴胡慚大用桃枝薑脰且紛羅名醫名相知誰是獨  
擁黃綢戀睡魔

蒼茫天地感無垠約畧猶堪說病源遠道那容星夜駐征車况是  
雨風繁洞濼每切溝中瘠疾苦常誇字下村盱食宵衣都習慣何

會瑣碎酌寒溫

寂寞匡牀瘦骨支官途祇此是閒時一杯竹葉枕邊酒千樹梅花

夢裏詩

夢中句梅花千樹瓊樓  
月玉笛吹寒在碧空

門有嘉賓皆問疾方傳好藥慎求

醫猶多未了生平事珍愛餘年未是癡

除却倥傯得喜歡病軀次第近平安箱餘叔子輕裘在腰覺休文

革帶寬千里魚書憑慰藉一堂羔酒樂團圓從新早夜從

玉事未敢依遲畏曉寒

霜凜花

輕於飛雪重於霜頃刻花開枯樹芳醞釀冬心留夜氣暄妍春色

紉香卅堂詩集

卷之三

十

耐朝陽排衙偶憶東坡句對景宜添北海觴料得田家依飯甕一

爐炊火祝豐穰

蜡祭祝辭

先嗇

帝農曰神嘉穀斯茂惟憶萬年百姓瑞富古之人兮

司嗇

后稷教稼畝其播琴冷風清唳貽留至今何以報之益且沈

農

田峻至喜農殖嘉穀循阡度陌與汝信宿旨酒一盛五穀蕃熟

郵表駁

赤墻青黎噉而郵之勿越其畔而荒於嬉美禾美麥匪今茲

貓虎

有貓食鼠有虎食豕苗莊莊兮實累累載雲旗兮神至止

水庸

廣與崇方勿墮爾防勿令水為殃豐年穰穰

水庸

善防者水淫之善溝者水漱之民功曰庸神呵護之麥籩籩兮黍

離離兮

紉香州堂詩集

卷之三

七

昆蟲

蟲之魂魄勿害我田稗碩且庭稼而稽師象山則歲取千百

迎春 甲午

旭日曠曠放早衙為迎春至喜聲譁旌旗遙映綠堤雪士女爭看

夾路花神有勾萌歡酒醴官因撫字念桑麻吏人為報開年瑞甘

雨和風被萬家

易州道中

山勢回環抱郡城股肱重地衛

神京安河曲折千畦注廢堞參差幾代更峯有夕陽下樵牧春回

原野盡農耕紫荊關險通中外無事防邊畫角聲

永福寺

百尺丹楹閣三重白玉臺松聲喜風入幢影拂雲開梵語西天近  
宸章北闕來自慚塵撲面瞻仰一徘徊

石門村居

去郭十餘里村居觀物情耕耘知俗樸草木向春榮山角隔林見  
溪毛依筍清就中多野秀老屋讀書聲

僑居珍暇日著屐出尋春隄柳噓風嫩畦蔬苗土新村茆偏吠客  
山鳥不驚人椎魯安耕鑿熙熙太古民

初香艸堂詩集

卷之三

七

地僻心偏遠幽尋亦自怡峯隨雲影變徑問野人知日暮歸耕犢  
村遙認酒旗年光寒食近屈指杏花時

山勢玉環抱吾家有敝廬簿書千里外松菊幾年疏故里市城遠  
他鄉風景如宦途寄鴻爪登眺每躊躇

和彭雲壠與龍山寺漫成二律

抖擻衣塵此解驂禪機好向靜中諳山迎人至峯如笑溪爲春歸  
水漾藍花底松牌僧乞句夢中槐火客和南日長吟罷山門寂  
佛參同彌勒龕

禪房花木翠微聞暫息征車亦解顏但出山來恐泉濁既爲霖後

有雲還二分春色如過隙三斗塵容未賦閒聊詠皇華記泥爪數  
詩饒舌未須刪

小圃

小圃依廬近柴扉一徑開綠微滋菜甲紅膩認花胎山鳥提壺聽  
園翁抱甕來引流堪種樹梧槽是良材

儂寓

儂寓市塵外寂寥風味殊庭幽鳥聲樂階暖草痕鯀花代主人灌  
酒從鄰舍沽有時足黃嬾夢蝶亦蘧蘧

尋源泉

初香州堂詩集

卷之三

三

展齒憐芳草綠溪一徑斜山行六七里土著兩三家水暖蒲抽筍  
籬疎杏着花清流資灌溉四野遍桑麻

荆軻故里

壯士去千載故鄉跡未湮水聲尚嗚咽山骨自嶙峋屠狗空游市  
祖龍終帝秦未知舞陽外所待竟何人

過高漸離故里

變徵聲慷慨蕭蕭易水流秦庭壯士死燕市一人留不逐慶卿往  
恐貽監子羞誰知鉛筑擊遺恨亦千秋

午夏月課示諸生

雨餘庭樹映雲藍。彩筆縱橫客盍簪。檻外趣芸鳴夏鳳。行間食葉聽春鸞。論才豈羨温又八。求友宜開蔣徑三。珍重儒修思報

國。槐花滿路指烟嵐。

六月十七夜喜雨

憂旱不能寐。虛窓樹影清。偶然聞雨響。猶恐是風聲。忽訝滂沱注。懸知溝澮盈。臚歡齊額手。起舞意縱橫。

七月初二日舟行抵白溝

桑乾分派溢。瓠落一舟輕。村在波心住。人從樹杪行。雲情仍夏雨。稽事矢秋成。蒿日炊烟外。渾茫積水明。

紉香艸堂詩集

卷之三

十四

七月廿八日宿白溝舟次

白溝夕照近昏黃。水急風橫繫野航。星滿秋空聞過雁。夜深碣岸有啼螿。孤篷穩作江湖夢。濃露醒疑荷芰香。乍喜天東雲錦段。一輪紅日掛扶桑。

河陽旅店書徐六驤檣亭詩集後

北海堂深共酒卮。歸來星火夜闌時。乍迴茅店三更夢。起讀檣亭一卷詩。七子才華遺澤遠。六朝風骨幾人知。獨憐永夕秋燈話。浩蕩天涯望所思。

重九日與謝杏坪李東溟小酌

佳哉秋色又東籬。蟹有雙螯菊有枝。四十五年駒隙過，百千萬里雁書遲。擾林風雨詩初就，入室芝蘭醉不辭。何處登高堪眺望，浮雲蒼狗總迷離。

河陽道中

河陽城外路驅馬，近黃昏漁艇蘆花渚。炊烟黃葉村寥天，唳鴻雁墟落聚鷄豚。旅客謀棲止，寒燈懸店門。

盆菊

百卉感秋氣，搖落一何速。含苞養金精，愛此盆中菊。枝葉競扶疎，新機生簇簇。白醉晨旭通，紅搖晚燈縮。瘦影寫便娟，蕭然媚幽獨。緜香艸堂詩集 卷之三 五  
有客爲形役，風塵勞案牘。五斗慚折腰，東籬酒誰漉。何時歸去來，香艸修初服。老圃夕陽中，一卷離騷讀。

冬夜候館即事

闌干星斗轉茅檐，候館蕭寥鎮下簾。蟻酌暖教清夢穩，雞聲寒覺曉霜兼。窓燈無焰呼童續，鑪火餘溫隔座添。惆悵懷人斷消息，遙從日下數郵籤。

除夕

遙天一碧暮雲晴，律轉青陽歲又更。鬱墨字宜粘比戶，屠蘇酒正對春繁。宦情冷淡如雲薄，白髮蕭騷逐日生。回首繡江亭畔路，漁

竿樵笠不勝情

乙未立春

碧窓送曙鼓催衙。都邑聽官靜不譁。東面風纔添柳色。北枝雪尚  
帶梅花。綵旂豔類三株樹。寶字書宜兩相麻。尺五城南瞻

鳳闕。五雲高映

帝王家

保陽舊館題壁

記得鷓鴣借此枝。重來猶自識門楣。六街臘鼓迎春後。十樣宵燈  
入市時。舊雨幾人星散盡。東風千里雪消遲。年來厭看蛾兒鬧。檢

紉香州堂詩集

卷之三

六

點凌晨六轡絲

菊農抵新昌話舊並示所著繡水詩鈔因賦

東風塵土拂征裘。一卷離騷賦遠遊。且喜狂歌共燕趙。驚看霜鬢  
歷春秋。故園往事滄桑改。絕代遺文珠玉收。我對新編增舊感。十  
年冷落繡江頭。

登白溝文昌閣

乙未春日

青山當檻水滌洞。百尺岩巒柱殿開。秉筆風流傳七曲。戴匡星影  
近三台。名區鎖鑰重關啟。

聖世車書萬國來。正是長楊堪作賦。春風雪早待羣材。

春蘭秋菊競傳色。乾象魁三望紫霞。

帝澤士夫十七世。春聲絃誦萬千家。好憑孝友敦風化。豈弟文章賦日華。指點白溝波漱瀦。登瀛可有掛星查。

文瀾西湧大河流。人在元龍百尺樓。椒酒客吟鐵如意。桂宮花隱玉搔頭。掄才豈乏燕臺侶。司命猶傳楚澤謳。一曲霓裳誰聽取。菁莪今已遍

皇州。

三載分符近日邊。偶來憑眺舊山川。遙空雁影蘇卿字。古戍雞聲祖逖鞭。文軫於今通海外。珠光終古認魁前。春風桃李花千樹。況是城南尺五天。

初香艸堂詩集

卷之三

十七

過楊村

柳色曳碧絲。僻路沿廻港。日滌凍已塗。春融田可耩。聚廬數十家。俗樸人僂僂。下者丸止輿。高者官疑珥。茅覆野人檐。枳儲山僧棹。啼午雞聲雄。吠客犬威忭。小市集布粟。水鮮羅蝦蚌。宿春餼採蠶。行沽錢投鉅。老農占賜燠。豐歛畧能講。屈指百五六。匆匆事糲糒。前途有雨徵。濕雲滄山頂。

扶犁咏

我從田間來。未嘗忘耕牧。春風過城邑。盎然生衆綠。藉田有官儀。

吏人先期錄是日集寅僚縹軛葱牯服先農位孔尊杯酒酌而祝  
前年魁爲虐十田九不穀去歲溢桑乾淹沒隴頭粟蠲租貸新塵  
救死猶未足今茲春令佳土膏應賜燠庶幾賴神功豐穰濟枵腹  
禮成返旌輿西山雲氣族

鹿茸節相於癸巳春日過新

陞見後出關明年

召

還授職今乞假南歸精神發越貌益加豐君子之所養可  
知矣

當年出岫本無心天上春風塞外塵歸興乍濃碧山去回來重作  
萬方霖

紉香州堂詩集

卷之三

十八

集蘭亭記

修禊之年曾癸丑永和盛事述山陰寄情惠有春風至暢咏清同  
曲水臨靜晤況當蘭在室樂遊合是竹爲林昔人殊世興懷一每  
覽斯文感至今

山形曲一水流之品類同欣春暮時亭自以蘭暢天宇氣在清竹  
引風絲馳懷終古娛遊者所述於今又錄其快得羣賢知此樂寄  
情無事管絲爲

茂林峻嶺清和地少長咸期集事欣絲管亦爲賢者樂死生每慨  
古人云幽蘭俯水春猶盛修竹臨山興不羣陳迹當年感今昔寄

懷無或異斯文

俯仰曾因老至悲當年觴詠亦相隨天臨清日竹風靜人坐春和  
蘭氣知同室晤言情不倦古亭文會盛於斯樂遊陳迹嘗興感激  
水崇山無盡期

暢情每作山陰會修竹崇蘭興不虛春在晤言知氣合風生曲室  
有林於古今寄迹無殊也懷抱臨文暫取諸俯仰萬流觀大化敘  
年猶是永和初

樂在春和倦未嘗虛亭況是惠風當地臨茂竹人修禊湍激清流  
坐引觴自有情懷托絃管無爲時世慨彭殤盛年不少交遊感錄

紉香州堂詩集

卷之三

十九

作蘭言合寄將

永和樂事蘭亭在況以羣賢集暮春萬類暢生盡隨化一時修禊  
快同人娛情絲竹文猶盛寓目山林迹已陳懷抱不殊年歲異彭  
殤寄感未無因

俯仰興懷寄修禊虛亭春水一時生人遊化宇竹風暢室晤蘭言  
天氣清永日幽情托絲竹長年殊世感殤彭會稽陳迹於今在不  
盡臨文述古情

五日 時方憂旱

赤帝司方日照臨南柯清夢羨槐陰寒香空去三年艾寶鏡誰知

百鍊金續命絲堪箴理賦奪標人聽鼓聲沈誰驅江上蒼龍起不  
作風波但作霖

紉香州堂詩集

卷之三

三



百鍊金續命絲堪箴理賦奪標人聽鼓聲沈誰驅江上蒼龍起不

紉香艸堂詩集卷之四

繡江李廷棨萼村著

淘河行

督亢隄邊水。疏以紫泉河。紫泉既已塞。湟潦何其多。去秋水溢大田稼。居人愁苦濃雲下。沈竈產蛙懸釜炊。出門使船不使馬。腴壤千頃成滄波。九秋已盡三冬過。向者通塗久梗塞。敢期來茲美麥禾。開年寒盡凍已塗。淘河之役起千夫。衆煦漂山集畚鍤。爲河洩腹通尾閭。聯袂如帷汗如雨。使君謂民汝毋苦。水有所歸不爲戕。與爾秋原殖禾黍。

紉香艸堂詩集

卷之四

一

捕蝗宿野寺

夕陽歷落指屠蘇。暫息征塵襪。被俱古寺龕。宜廁田祖微官勞。不異農夫竈。留佛火。供茶晚風誤。雨聲入聽無。就枕勞勞不成寐。碧雲何處有華胥。

趙北口早行

曉色半雲雨。烟林如畫圖。淺波時吠蛤。深葦亂鳴鴉。遠岸出村落。估帆時有無。征塵聊拂拭。青旆隔橋沾。

淀行渡茆兒灣抵葛岡

日色雲影相吐吞。征衣猶餘曉露痕。五官淀澆隔年水。千里堤圍

芟麥村溪口立馬人喚渡。漁屋疎籬網當門。偶來深柳讀書處。一枕黑甜清客魂。

雨後夜坐

夜涼更漏永。霽月湛清華。夕陰潤苔礎。微風搖庭花。柳塘近村落。水澗驕鳴蛙。颯然有秋意。所思隔蒹葭。

寄詞溪

雲邊鴻影去遲遲。秦樹燕山久別離。天遠祇同看月處。秋來始和感春詩。向平婚嫁粗能了。陶令琴樽未可期。聞說甘棠有遺愛。清風千里慰相思。

紉香艸堂詩集

卷之四

二

重之易州赴石門舊館

雨後林巒遠翠橫。棧車重此賦西征。節過白露蟬聲歇。路入青山馬足輕。故國有祠祀君奭。鍊臺無藥問方平。柴門流水還如昨。野老蒼顏一笑迎。

鍊臺

雲際高臺望渺然。昭王墳下草連天。祇應華表偷丹藥。老木通靈鶴化仙。

石門曉行

雲霧濛山鬢。偶見曉粧靚。旭日青林稍。團團上金鏡。排虛鸞鶴羣。

棲巖麋鹿性幽行不逢人流泉滿清聽

遊泉源

隱跡遂樵牧秋風一接離泉流侵徑斷峯勢出林危古塢荆卿里  
荒垣嶽帝祠寂寥塵境外捫薜讀殘碑

山村

山村遠城市一逕茂草鞠籬落四五家如聚桃源族枳棘編爲墻  
石板覆成屋檐瓠長於臂哇瓜皤其腹鼓翼啼雄雞穿鼻飲驕犢  
微風山上來秋聲在林木野老時相逢喁喁話秋熟屈指新穀登  
斗酒看黃菊

紉香艸堂詩集

卷之四

三

山中得詞溪書知正入闈校士因寄

雁塔秋風鎖院開使君捧檄鎮徘徊一官暫借銅章去此客原操  
玉尺來秦鏡高懸明月夜漢槎應待謫仙才故人遠在千山外指  
點文星近上台  
抱村流水隔溪山客舍蕭寥偶賦閒且喜漁樵同野趣更無雀鼠  
到柴關時從秋色蒼茫裏行看浮雲天地間屈指重陽又風雨去  
年詩句墨痕斑

石門秋日雜咏

畫角孤城起暝烟山林杳靄夕陽邊遙空鴻雁天如笠隔嶺蟾蜍

月上苾秋色蒼茫盡平野浮生閱歷到華顛  
懷人感事情無限回首當時一悵然

浮雲漠漠草離離落日遠天憑眺時如畫  
碧山傷岬岵失羣征雁感壞篋十年人事  
滄桑變大野秋風宰木悲何日寒泉薦蘋藻  
綠原霜雨淚如絲

碧天涼露已深秋銀漢依然望女牛惆悵  
東南飛孔雀淒涼西北有高樓雲軒合是  
依蓬島星渚無從問蹇修白玉闌干明月  
夜瓊枝高詠不勝愁

萍蹤幾處悵離羣青翰當年對鄂君儘有  
素心仍白屋許多高足

初香艸堂詩集

卷之四

四

附青雲浮沉倦鯉一書滯圓缺明蟾千里  
分投筆請纓皆壯志祇今憔悴李將軍

芙蓉一鏡對團圞蟾魄圓明次第看酒侶  
幾人操玉尺鑪烟終夜鍊金丹排雲老鶴  
秋能健借樹童烏影尚寒鬪野三五少年  
如昨日霓裳有曲記長安

趙北燕南驛路平督亢亭址碧雲橫  
灌河水落鼃鼃靜棲畝梁多雁鶩爭  
朗月一庭懸古照西風三逕發寒英  
催科撫字吾知愧空有人傳吏治清

九十韶華瞥眼過未須身世怨蹉跎  
白鷗大海生涯寄蒼狗浮雲

變態多技學屠龍終莫用夢誇得鹿竟如何清風明月無今古且  
對金樽一放歌

鴻泥歷歷証前因自分媧皇引縵人五嶽久賒婚嫁願一隅偶現  
宰官身故山猿鶴吟秋待宦海魚龍覺夢頻指點晴空最明月天  
涯有客借傳神

石門中秋步月

不負此宵月微涼村外行環城衆山隱出樹一輪明烟徑蠹叢貧  
露禾狼戾橫太平真有象幾處管絃聲

從事

紉香艸堂詩集

卷之四

五

西陵恭紀

皇華于役又匆匆易水崧山一騎通早有簡書催使者不將鼙鼓  
怨司空填橋千百來羣鵲攬轡剛柔待

六龍

王道於今稱蕩蕩佇看

旌旆颺西風

西南萬笏列青岑葱鬱

橋山入望深五色雲霞

天子氣九秋霜露

聖人心周慮虎旅風清肅出樹龍旂日照臨盟薦從來隆  
孝治不徒觀化及朝簪

龍泉咫尺望京華霧旆霓旌山路賒銘到

新宮雲暗淡

恩深故劍

帝咨嗟都人指點青松樹宮女淒涼白柰花四海

母儀紀彤史常留

淑範在天家

亦得隨班望

紉香艸堂詩集

卷之四

六

彩霓五雲繚繞碧天低蒼茫遠岫

雙鸞影颯逸秋風萬馬蹄且喜綠鞵瞻

桂榭不知絳縣在塗泥采齊詩句思

王度屈指

金根御苑西

山中同東溟閒步

一徑碧烟去千峯夕照秋黃花水一曲綠樹山之幽塢僻時聞犬  
泉清可飲牛蕭然得隱意苔石坐淹留

邑人士送衣傘並以清慎勤三字額於堂以頌余因以爲座

右箴也並詩以示之

乙未重九

衣楚楚蓋童童。擘窠之字懸堂中。都人以頌使君德。使君對此慚於衷。無德爾被受服云何無功爾庇張。蓋已多自我奉檄來。歲事多軼軻。不習爲吏視成事。心勞撫字拙催科。豈有馴雉仁。僅異猛虎苛。清奚如古有冰心在玉壺。慎奚若重淵之深春冰薄。勤奚似戴星出入無淹晷。以斯三者筆之書。頌耶箴耶意有餘。使君公堂謹拜受。盡爾茱萸一杯酒。與爾幸生太平時。共祝吾

皇千萬壽。

驛柳用張船山韻

初香艸堂詩集

卷之四

七

晨光杳靄晚霞晴。無數輪蹄此送迎。絕少青旂新燕影。幾多黃葉亂蟬聲。屬車塵接長楊館。如畫山連小謝城。遠色蒼茫荒戍外。有人指點漢家營。

彈指東風記染衣。邨堪重問舊腰圍。十年樹木人何在。千里之官客未歸。秋老黃雲聞葉落。春留香雪祇花飛。征夫未可折枝盡。向晚猶多烏鵲依。

憑誰花縣說河陽。張緒風流感異鄉。旖旎春光初濯雨。婆娑生意飽經霜。綠分草色過亭堠。枯罨蓬根接戰場。莫惜一枝難寄遠。西風兼裊雁成行。

中州迢遞接邊州。眠起天涯寄遠愁。苦李並慚今散吏。甘棠頗憶古賢侯。閱人老眼留青靄。繫馬長條蘸碧流。栗里柴關舊相識。幾時管領故園秋。

疊前韻

閱遍行人春復秋。年華輕易付東流。征塵已負桓元子。候館誰爲郭細侯。金縷郵亭留夕照。玉關羌笛入邊愁。當時不種靈和殿。此錯爭堪鑄六州。

珍重河橋字一行。封侯意氣少年場。洗來青眼三春雨。看到麗眉九月霜。有客折枝惟贈遠。幾人策馬是還鄉。匆匆征鐸催眠起。畫

初香艸堂詩集

卷之四

八

角秋空又夕陽

漢南種樹話依依。撲面黃塵慘絮飛。皂蓋朱輪看似水。山橋野店送將歸。一鞭瘦馬晨駝夢。萬點寒鴉暮合圍。爲問短長亭外路。幾程門巷接烏衣。

憑誰度地費經營。遠映村墟近傍城。亦有鶯花醒睡眼。最憐風雨戰秋聲。長亭腰爲督郵折。畫舫人看津吏迎。一樣植根異榮落。龍池綺麗踈春晴。

再疊前韻

夕照荒涼曉日晴。征鞍到處與逢迎。一場春夢飛花影。萬縷秋心

落葉聲。畫舸阻風臨水驛。鞭絲曳雨近山城。憑誰指作將軍樹。走馬人歸灞上營。

華年公子憶金衣。此樹婆娑長舊圍。殘月曉風孤棹去。烟村霜店幾人歸。淒迷行色憑枝贈。浩蕩天涯有絮飛。惆悵多情白司馬。永豐坊樹鎮依依。

長安一曲踏春陽。誤認他鄉作故鄉。蟾魄尚籠初夜月。蛾眉爭奈九秋霜。濃陰雜遝遊仙夢。甘露清泠選佛場。老樹莫嫌摧折盡。後生桃李也成行。

并州南去是齊州。每折長條咏四愁。彭澤興闌猶作吏。陽關人遠

初香艸堂詩集

卷之四

九

未封侯。郵程千里連雲綠。春色三分逐水流。蓮子湖邊舊詩社。於今孤負幾年秋。

三疊前韻

更無冬夏與春秋。歲月堂堂水駛流。豈惜風塵雜與隸。且欣冠蓋近王侯。雨聲難穩三更夢。烟影如含六代愁。剩有脚根堪立定。年年霜雪寄并州。

曾是龍池舊末行。不堪回首少年場。繫來倦馬根穿穴。驚起棲鴉葉墜霜。征柝每聞明月夜。吟鞭遙指白雲鄉。誰知冷雨淒風裏。藿心猶戀太陽。

蘆灣櫂徑共因依，秋雁一繩斜。照飛上國，緇塵愁裏拂。故園黃葉  
夢中歸。關山迢遞，笛三弄雲物。蕭寥天四圍，記得飛花春正好。暖  
風吹上遠人衣。

秦帝關河漢將營，都將風色入邊城。魚軒偶拂纏綿影，牛鐸頻催  
替戾聲。於利名場，惟目送當風。霜後有春迎。注張星象回青陸，列  
宿猶懸一碧晴。

城南候館見陸立夫編修題壁詩因書其後

雙雙使節駐皇華，滿載驪珠泛海查。星出齊分重九後，驛臨汾水  
兩三家。清辭已識詩中虎，彩筆聊塗壁上鴉。獨愧郵亭東道主，未  
緜香艸堂詩集

卷之四

十

將好句碧籠紗

昭甫師自珠江奉 太夫子櫬安葬粵西復之珠江終於旅

次瑤莊自京師奔喪過新時方盛寒挽不可留感而賦此  
甫能歸骨慰先靈，又復一棺悲旅萍。萬里雲山哭師範，三台妖沴  
落文星。門持季弟方童稚，堂有慈親况邁齡。辛苦桓山雛鳳羽，天  
涯風雪短長亭。

張船山有高碑店垂絲古柳詩，今訪其樹則古株已老死，補  
種者已三圍矣。因次原韻和之。

輪轅鹿鹿聽宵征，不綰離裾只送迎。春色幾家汾水驛，秋風一路

范陽城繫將別緒應無盡拂作長鞭也有情讓出稍頭碧天外月  
明如線指哉生

暮烟拉雜曉雲寒拖盡離愁行路難不惜霜根當道立也留青眼  
向人看京華咫尺紅塵拂野店蕭疎白露溥比似甘棠重遺愛他  
時過汝問平安

孔家馬頭道中

客子來從千里外公車過記十年前而今風景猶堪憶古寺鐘聲  
野店烟

宮姬坐旅店

紉香艸堂詩集

卷之四

十一

朔風吹大漠野店喜招邀棲壁雞相暖求賈馬不驕村醅攬水賣  
山炭帶烟燒一飯催歸騎孤城落日遙

題郭孝廉村居

我來幾度訪桃源柳色依橋水護村一飯偶然供遠客四年從未  
謁公門倉餘荒穀周鄰里座有名流課子孫隱者襟懷修士品相  
逢眞覺愧華軒

周二南自關中寄詩索紉香草堂稿爲此答之

大雅久不作鬻然繁鄭聲仿古飾優孟喜新搗琵琶自謂靈珠握  
標榜亦浮名吾鄉有周子落落出時英於詞必已出金石自鏘鏗

風塵四十載才筆極縱橫交遊記歷下登眺山水清高文共欣賞  
屢締騷人盟一別十年外雲樹睽郵程長安佳麗地懷古追漢京  
軒然發駿藻碧海掣長鯨寒烟幕關塞故人在幽并簿書日鞅掌  
冠蓋紛送迎觸境偶著述贈答亦嚶鳴千金在敝帚家藏思鑿楹  
豈謂雲中鶴應聲及春鶯文章千古事萬里猶心傾一編寄遠道  
低徊多古情

感舊詩 并序

去家既久訪舊無多回憶師友淵源交遊贈答會幾何時如  
夢如昨不盡山陽之感遂成莊舄之吟

初香艸堂詩集

卷之四

十一

焦懷谷夫子

陶令歸來後故園秋菊芳學留秦博士天壽魯靈光記我少年日  
及登大雅堂仙才憑獎藉回首感蒼茫

韓強齋先生

訪我繡江上春風紫綺裘愛才如性命嗜古傲王侯書上詣金闕  
文成修玉樓摩訶峯下路宿草幾經秋

王嘉樹夫子

之江憑毓秀稷下賴傳經才豔終童里天明處士星盤餐餘苜蓿  
穀似有螟蛉舊雨幾人在辨香思典型

王漢濱上舍

之子橫秀氣弱齡工屬文下帷對江雨登岱想封雲命似曇花現  
詩留墨草芬英靈應不死鬼唱聽秋墳

孟鶴泉居士

吾愛孟夫子風流老未刪語言妙天下翰墨寄花間清恙維摩詰  
新聲菩薩蠻停雲今廿載文酒憶追攀

劉廉坡茂才

毀譽不復計疎狂世共知立錐更無地把卷祇吟詩眷屬如泡影  
生涯認酒旗招魂何處是芳草綠凄其

紉香艸堂詩集

卷之四

三

王雨田先生

文囿千毫禿危城一劍寒從軍能殺賊嗟老忽辭官內景黃庭祕  
長吟白墜關雄心誰省識詎向畫圖看

宗石齋兄

作賦每叉手說詩亦解頤是翁眞夔樂貞露正委遲觀  
國龍文重還鄉鳩杖隨遊踪如昨日春草感離離

楊芳菴孝廉

磊落有奇氣敦龐追古風豪遊歷燕趙才筆破鴻濛此客能交呂  
何人爲薦雄最憐身後事一線賴烏童

高夢岩舍人

錦川烟雨裏人指孝廉家廩有荒年穀堂開隱士花  
皇華官道遠驛柳夕陽斜話別猶如昨寥天斷暮霞

李集堂引疾歸渭南爲此送之

銅章一謝此身輕綠樹青山喜送迎廿載循良稱  
父母幾人仕宦到公卿尚留瘦鶴隨鄉夢早有懸  
魚淡物情檢點行裝賦歸去故園松菊記分明

雉集桑陰虎渡河勞心撫字瘦維摩當年競說三  
刀夢到處喧傳五袴歌翔信陵碑入詩稿陶淵明  
酒足烟蘿紅塵日遠青門近回

初香艸堂詩集

卷之四

十四

首浮雲變態多

論心幾度說還山西笑於今計入關華嶽三峯鄉  
國近渭川千畝水雲間秋風蘭桂花爭發春草池  
塘句未刪獨惜故人言別後天涯尊酒憶追攀

記和歐蘇白戰詩歲寒冰雪證襟期渾河秋雨懷  
人夜清暑宵燈問病時今後魚書愁冷落當時鴻  
影半迷離慚余不少尊鱸感猶自鷓鴣抱一枝

韓鑄九過話

丙申二月

蓬跡來千里蘭交憶十年望君策高足訝我已華顛  
別人語難盡

程遙車未懸督亢亭外路夕照又征鞭

暮春郊行

疎雨濃雲共灑然督亢圖畫暮春天東風柳絮城隅路流水桃花渡口船幾處飽牛耕故壘當時古戍莽寒烟閭闔清寂桑麻好屈指承平二百年

容城道中

旭日一竿酒旆斜馬蹄輕脆踏晴沙綠陰白雪迴風處楊柳樓臺四五家

觀開善寺塔像

紉香艸堂詩集

卷之四

五

古剎城隅高建瓴紺宇碧磬嚴宮庭天風瀟灑韻流鈴入門鼻觀通妙馨老衲誦偈瀉水瓶法雲杳靄當軒樞邃宇黑窅天晦冥十人尊者環如屏就中金剛呈殊形驀然恍目足爲停赤髮碧觀刃新剎援噬攫網目光熒仰如飛廉摘天星偃如夜叉探窮澳仆者貳負帝所刑立者蚩尤旂亭翻身作勢馳雷霆颯颯風雨掀雲輓妖狐豔鬼紛娉婷足踏爪握如拾螢赤舌淋浪口血腥擒龍挾虎貌蛻蛻沁人毛髮風泠泠對之但覺身伶仃我聞法王驂鹿麕光明世界蓮花青一剎卽頃觀千齡七十二相覺惺惺衆生利欲互纏網歡喜煩惱爲眩瞶恐怖所結愛所了幻像皆緣情塵局九

關虎豹。頽日暝。畏途巉巖森劍戟。孽海昏波汨滌澗。颶風震蕩簸  
巨艚。鮫龍垂涎闖洞滄。羅刹之國忽漂萍。食人腦骨聲瓏玲。幽都  
下地竄鼪鼯。劍樹刀山莽榛蕙。鬼伯驕獍股雙鞭。驅人湯鑊羹之  
釧。被髮梏鐵呼無靈。因心造像千億零。譬猶嘉穀生蝗螟。倏忽變  
化惡可型。螻者魔母妍尹邢。慧劍斬關出圍囹。猛烈乃見菩提經。  
得大解脫塵夢醒。我悟此理心無町。寫生奚必殊優伶。出門一笑  
天瑩嫵。回看莊嚴卍字銘。合眸跌坐長眉媪。

邑東北十餘里有石人介冑北向屹立不知何代物土人呼

爲石將軍

紉香艸堂詩集

卷之四

十六

石將軍爾何人。蒼茫獨立風烟塵。不是古塚守華表。又非城隅銘  
兜韃。曼胡纓冑金鎖甲。鑄工作其之而鱗。督亢陂頭屹北向。歲久  
斑駁苔花皴。秦耶漢耶將近代。胡無隻字留貞珉。我聞祖龍恣并  
吞。命將北出清塞垣。謂阮翁仲將名著。鑄以威戎旌伐勲。又聞界  
河劃遼宋。三關戰士熊虎屯。楊家六郎天上下。敵人望影飛驚魂。  
新昌故地連益津。平沙浩浩桑乾渾。古戰場會三軍覆。國殤往往  
白骨存。意者將軍昔蕩寇。旣没人猶畏其神。乃於茲地留遺像。如  
標銅柱盟蠻民。寒烟荒壘莽秋墳。雌兔撲朔雄狐蹲。黃昏霧黑風  
雨怒。呼嘯萬鬼揚青燐。風槍陣馬仿佛見。將軍叱落垂天雲。抑或

夕陽下樵牧掛笠敲火增悲辛

聖皇文德敷八垠。疇昔邊候今籬籬。况乃燕南畿輔地。閭閻豐樂桑麻菜。汾水郵亭達重驛。梯航萬國來駿奔。將毋將軍正玉面。亦拜而菱朝。

至尊由來在德不在力。銅駝巷陌哀王孫。我爲此詩感興廢。摩挲古物視鼎鑄。留之用垂黷武戒。勿令埋沒隨荆榛。

紫泉官舍與焦十洲夜話

廿年文字交一別。復十載興來忽遠遊。稅駕彭澤宰顏色如昔時。相驚鬢髮改迢迢。良朋契箴言馥蘭。萑蹉跎三十年。修名各有待。初香卅堂詩集卷之四

十七

君方守一經。浩歌空四海。猶勝風塵吏。逢場作傀儡。澹蕩繡江波。綠映山長在。王孫遊不歸。原田草每每。

新昌雜咏

督亭

荆卿一去燕丹死。閱遍滄桑有督亭。紫水南來芹澗合。無人重注道元經。

酈亭

君家豪盛推齊下。故國林泉帶巨川。誰識樂浪遊釣處。酈亭溝水夕陽邊。

觀射臺

五橋關破鐵林摧萬乘躬臨射來一自驢車斷消息朔雲圍作  
單于臺

燕子城

夕陽籬落散雞豚燕草如絲莽斷垣見說當年清暑地高樓置酒  
看中原

六郎隄

益津關外夕陽低颯還西風送馬蹄宋室山河竟何在居人猶說

六郎隄

紉香艸堂詩集

卷之四

十八

界河

西連易水東滄海遼宋分疆古戰場猶有浮家老漁父蘆花淺水

話興亡

白溝

莫教照見青氊笠志士傷心是白溝見說題詩文信國燕山風雨

又登樓

時墓

生存華屋沒山邨人代茫茫逝水流誰爲乃翁作佳傳至今碑板

尚銀鈞

高碑

先朝勲伐山邛重三世君臣遇合奇駐蹕莊頭望巡幸五雲高擁  
相童碑

城北蘭若

摩空有塔崢嶸出夾樹雙扉寂寞開紫水一渠橫畧徇可曾箇箇  
渡人來

遼蕭太后梳粧樓故址

四樓臨似東西陌北方佳人照南國柝木津看織女星焉支山奪  
中原色易水雄關拓帝京巨馬河邊燕子城百尺高樓望巡幸憑  
紉香艸堂詩集

卷之四

九

闌一笑春風生文殊佳兒窺丸有母儀競說承天后今歲觀魚玉  
盆灣明年躍馬駝羅口猶記先皇侍從時扶桑初日照凝脂一灣  
紫水臨粧鏡數點燕山學黛眉可憐梳洗樓上頭看盡燕雲十六  
州老嫗啼粧殊未已又教和議劃白溝孤城寥落荒烟晚當年燕  
燕時相見家法誰能繼聖神風流空有同心院

邑東二十里有青冢舊志以爲漢王牆墓

無定河邊一抔土如絲燕草碧千縷今誰子後曩誰先斷碣無從  
問風雨我聞漢室嫁王牆琵琶一曲塞雲黃香魂不逐白沙死豔  
骨亦近撐犁王幽州南界古涿鹿吹律鄒生變寒谷斷龍應同龍

塞春也見年年芳草綠

柳塘

義御曉馳記里鼓東風搓出青絲縷春冰昨夜化爲雲碧波照見  
長眉嫵淡黃已自勝棲鴉九重樓外成天涯臨流繫馬謀一醉明  
日綠萍生雪花

蓮池

綠淨一池蓮盃簪花三五小屋如漁航支窗對秋雨

藍溝

芳草平沙古渡籬笆三五漁家春水落霞數尺橫斜時見桃花

紉香艸堂詩集

卷之四

三

邑東北五里有前明行宮故址舊志以爲文皇駐蹕處并載  
邑人陳世昌詩後無殿廢圯萬歷十二年以其地作學田  
今爲民田

幸蓋猶堪想至尊西風禾黍莽平原滌洞聖水通津淀歷落燕山  
接薊門國祚椒聊萌叔父天涯草色怨王孫茫茫一代興亡感指  
點榆關隔塞垣

蘆花和陶鳧香先生用漁洋秋柳韻

記得扁舟寄夢魂夕陽歷落護柴門好將秋色爲春色閱遍烟痕  
與露痕半出征帆臨水驛偶聞銅笛辨江村洲前不少藤蘿月擬

向三生石上論

早寒昨夜乍飛霜照影蕭蕭遍野塘鼓柁漁翁驚點鬢裝綿青女  
未緘箱功名已慨蘆中士富貴何如花有王涼雪一篷人對酒也  
如選勝碧雞坊

錯擬垂楊絮颭衣春光附熱計原非人如挾纊應堪着花可蹙寒  
亦自稀隔岸鐘聲鷗早醒橫秋潭影雁初飛西風蕭瑟鱸魚美指  
點烟波願不違

孤芳從未受人憐日月昭叟淡烟京洛誰誇千種色兜羅新着  
一重綿不妨晚節借幽圃自有羣芳競小年指點伊人相對處滄

紉香艸堂詩集

卷之四

三

浪有曲碧雲邊

答方鐵山見贈詩用原韻

鐵珊居士古癯仙一笑紅塵老更妍行縣偶然攜鶴至操刀卹復  
見牛全蝗無入境避循吏雨正隨車如昔賢爲愛放衙公事了自  
將新句寫蟬聯

幾人低首謝宣城高格成推月旦評代我瓜期秋乍到依君花樣  
句初成一窗風雨經年別十載交遊百感生且喜蕭齋尋舊約月  
明千里話瑤京

答謝杏坪見贈入都之作

夜色分明認角元  
匆匆襪被及辰良  
征鞭暫指長安道  
贈句偏工  
急就章  
仕宦有階聊爾爾  
鬚眉何處不堂堂  
路人悞作公車看  
也  
自槐花拂袖香

答菊農

析木之津效一官  
素心原未改清寒  
迂疏自分居人後  
薦剡何期  
到簡端  
出岫浮雲聊復爾  
在山泉水舊同看  
塵容又逐京華去  
慚愧藜牀管幼安

涿州道中

七年前此計郵程  
泥爪重吟苦熱行  
歸里已傷鴻雁影  
違山又聽  
紉香艸堂詩集  
卷之四  
三

蟪蛄聲好憑止水  
盟心跡莫漫浮雲  
薄宦情四野  
芃芃方待澤誰  
將霖雨及蒼生

都門答笠泉卽用原韻

昨宵新被雨淋來  
重覩天門詆蕩開  
散吏藤廳借計後  
故人蓬苑  
校書回一甌  
共吃防風粥  
十載相思湛露杯  
莫笑泥塗望霄漢  
原來劉徹不仙才

江上烟蘿畫遠岑  
當年翹秀兩青襟  
師門共勗青雲志  
宦轍難忘  
舊雨心濃露  
君方天上澗繁霜  
我已鬢邊侵  
何年繡水郎  
山外雨笠風帆約再尋

答露臯卽用原韻

顧我秋山戴笠身，宦途鞅掌亦前因。無多江草堪同味，不羨唐花  
別有春秦隴家聲。源共溯當塗文字誼，尤親無端又作京華客。一  
笑相看撲面塵。

地角天涯又幾年，懷人常在碧雲邊。非緣婚宦留禽慶，別有文章  
助馬遷。鱸膾莫催張季駕，雞聲應壯祖生鞭。祇今憔悴風塵裏，劍  
氣猶橫出水蓮。

盧條岑焦笠泉孔誠甫程容伯借遊龍樹寺

蘭若二三里，窳樓一兩間。蘆多疑近水，樹密不遮山。蟬韻市囂隔

紉香艸堂詩集

卷之四

三

酒香餘暑闌，何人駐車馬。亦解此偷閒。

京邸夜雨

六月廿八日

雲勢烟如黑，雨痕繩似粗。灌河想牛馬，漏屋救琴書。乍喜市喧靜，  
相憐燈影孤。篷窗聽不已，清夢宛江湖。

題焦牧筌公安瑞麥圖

南平巖封裔，荆之江民樸。於農化淳再，馳北歲不逢。曰毀於灑，焦  
侯奮庸與駭波。撞迺防迺墉，而陌而砥。侯冠雨衝，侯履泥縱。萬夫  
蟻，蟻隄綿其邦。雞犬俗雍，蛟龍氣降。時和露醴，嘉穀蘭苳。原隰畝  
鍾穗六歧雙，民輸爾隄。侯駐厥幢，士文昌。丰喜足音楚，綠樹陰重。

侯憩北窗董竹叟筇旨酒一缸昔苦歲凶今樂俗龐春鶯秋蛩柳  
鶯花旭聿侯靖共造福此邦侯沐

恩濃五馬旌幢借寇靡從萬躡其躡繪事從容孰筆如杠懿與宦  
蹤天際遠艷懷人憧憧秋穗蘭缸

七月初四日淀園觀音菴

一龕燈火奉如來修竹參差蔭綠苔地計由旬衝雨到自南城至園四十里

天臨尺五看花開山容蒼翠環

宮闕夜色分明望斗魁慚我七年塵拂面隨班重聽漏聲催自己丑引

見迄今七年

初香艸堂詩集

卷之四

三

感懷

指點青雲路幾層西風人瘦影凌兢長才豈有鮑之佞機事原慚  
鮑也能碧落秋明千里月蕭齋心貯一壺冰他時誰續循良傳應  
有詩傳麴信陵

重陽前二日郊行

早鴉催我出城西黃葉村村送馬蹄溪有白雲蘆荻老節過寒露  
麥苗齊野風蕭瑟偏欺帽細雨蒙忪不作泥是否菊花正開處數  
家籬落酒帘低

書易林後

不類太元僭小黃有令名高才重梁國遺術慮京生險語竒而法  
微言明且清一編披讀處弦月掛三更

購書

欲讀苦無書有書每不讀記我讀書時大嚼難得肉乞鄰每一鴟  
借之果枵腹邇來已十年讀律勞案牘有客求售來琳瑯燦奪目  
忽復食指動睨之欲逐逐聊足慰夙心豈惜分微祿况有膝下兒  
粗識七與六勗作脈望飛勿徒長恩祝所慮薄宦中移家勞車軸  
何當綠原西數椽起茅屋

冬至後一日早行卽事抵宮姬營

初香艸堂詩集

卷之四

五

夜闌更鼓促征鞍。百里屠蘇曉色寒。昨日書雲天喜暖。經冬無雪  
地愁乾。郵亭一路排籤數。逆旅千詩拂壁看。忽憶猛風兼驟雨。當  
年從此向長安。

琉球使臣耳目官向大休正議大夫孫光裕入貢過境詩以

紀之

三嶼遙連析木津。恩波遠及附庸臣。別風淮雨通文軫。玉策金符

祝

聖人歌擬白狼聲。教訖樓開丹鳳物。華新不徒琛賁誇。王會中外

承平共萬春。

簞節持隨太乙蓮彭湖回首碧雲邊朝宗波浪澄三島環極星辰  
共一天鯨海秋攜珊瑚月龍樓春惹御爐烟歸途人豔中山客會  
倚形階祝

萬年

丙申除夕

不堪照鏡捋髭鬚屈指丁年歲又徂爐火憑教續商陸樽醅猶可  
醉屠蘇分箋兒輩誇椒頌促席朋儕謔栢塗明日春風喜駘蕩也  
應暖到范萊蕪

歷頭丁字識鉤須新歲初來舊歲徂幸得公堂清案牘不勞家計

紉香艸堂詩集

卷之四

庚

話薪蘇關心頌語勤清慎彈指春郊滌凍塗檢點農書同稼田  
園那復賦將蕪

幾年爲圃別樊須也自辛盤餞歲徂酒侶有冠應醉阮詩篇步韻  
愛吟蘇韶華送客駒過隙世事撩人豕負塗五載燕南成拙宦督  
亢春色又平蕪

案頭隨意數梅須屈指遙天雁影徂自笑百年半孤負也隨萬物  
待昭蘇一庭賀歲喧僚吏千里思鄉計道塗且喜歡筵兒女共不  
妨老髮漸荒蕪

富貴何勞役所須匆匆烏兔歲云徂驕兒漫說題橋馬拙婦能談

織錦蘇且有樽供茗芋不妨小事儘糊塗開年黍谷冰霜盡次  
第春風到綠蕪

丁酉人日保陽旅店對雪

撲紙聲聽食葉蠶恰逢人日息征驂共忻沃壤滋滕六不惜疎窗  
對葛三雲樹幾人懷渭北賢元一幅話燕南關心歲事桑麻好更  
祝沾濡大澤酣

十一日喜雪用前韻

黃紬一繭擁春蠶青陸羲車佇曉驂太史再書花出六田翁喜說  
白成三年來苦李依周道何處甘棠詠召南人日纔過燈節近醴

初香艸堂詩集

卷之四

七

膏聊助酒杯酣

春信驅牛並市蠶玉龍鞅掌未停驂剛隨獻瑞雲書五奚翅爲霖  
日計三地接瑤京看直北山如白閣笑終南放衙兼仿時晴帖更  
喜虛檐卯醉酣

絲絲頗訝吐冰蠶青帝行春白鳳驂頃刻花如開七七橫斜徑待  
闌三三歸鴻遠影迷天北睡鴨濃香續海南檢點新詩付歌舞旗  
亭應是酒初酣

帳底青綾自裹蠶天涯黃竹念征驂隨風拉雜聲吹萬隱霧茫茫  
里計三柳絮池亭連舍北梅花消息問溪南定知朋酒高吟處禁

體詩成白戰酣

纜出冰絲認海蠶吟成白馬憶征驂尊醪泛綠經陳五爐火餘紅  
漏轉三大澤如期占甲子秋成計畝話東南來朝行縣炊烟起應  
有高人睡正酣

身世直成覆雪鬢重那得健騮窗宜列岫目明四病欲尋醫  
肱折三布被高賢聞洛下白鬚太守憶江南聚星堂在人何處懷  
古臨風一醉酣

元夕看焰花偶成

閃爍飛空萬朶斜轉因煨燼逞精華狂香猶帶金銀氣冷眼同看  
初香艸堂詩集

卷之四

元

頃刻花想有熱中撐火樹偏從斧口吐芬葩飄零滿地誰收拾空  
博兒童一笑譁

其二

幾回研鍊費工夫着手成春亦共娛色卽是空爭恍忽無而爲有  
宛扶疎電光石火通三昧玉葉金枝見一隅熱鬧場中宜冷眼人  
間何事不須臾

二忠祠

晉兀亭畔路遺廟尚軀稜忠義馨香接山河感慨增一溝邊地劃  
兩宋舊聞徵張仲能身致文山豈氣矜銅駝荒汴洛泥馬竄吳興

漢北去已遠江南哀不勝中原紛斲喪覆轍遂頻仍南道氣曾銳  
平江兵可稱國難醫跋盞天已醉膏騰笠竟從王去樓應望帝登  
絕吭空攬轡歸骨孰緘滕異世同肝膽當年失股肱蒙塵終秦厲  
發冢慘妖僧劫數紅羊換謠聲白雁膺赤心留激烈峻節並峻嶒  
噩夢嵇中散前身史道陵孤城三里霧邃宇一龕燈祀事修官吏  
良辰肅豆登秋風花恤蕊春雨草蘇芳仿憑靈之至雲旗赤豹乘  
涿州道中大風抵良鄉

蚩尤昨夜動星芒似虎春風捲地狂四面蟲沙轟戰伐一團龍霧  
雜元黃馬如登陲車偏重人與投林鵲比忙今夕且安吹垢夢待

紉香艸堂詩集

卷之四

无

看曉日溢清光

蘆溝

曉色蒼茫裏桑乾劃一溝車搖殘夢到水齧斷水流天險來同軌  
關譏愼異郵行勝自蕭索不復慮征求

紀事

十三陵寢望迷離石獸荒涼翁仲悲率土久非明社稷橋山空說  
漢威儀草回春綠迎

雕輦樹老冬青訪斷碑松柏蕭森宮殿肅九泉應感

聖皇慈

明陵懷古六詩

天壽峯嵐合四圍。長陵抔土尚巍巍。松蟠斷碣龍孫長。草綠平蕪燕子飛。王者白冠終大寶。元公赤鳥乃戎衣。天涯瓶盞江湖晚。何處招魂望帝歸。長陵

北狩蒙塵感廢興。誰持宗社不騫崩。幸歸關塞烏頭夢。應愧山邨雁足燈。故國銅駝幾荆棘。九京金爵尚觚稜。行人指點西山口。野草寒烟沒壽陵。裕陵

期門魚服事同論。江上征帆祇暮雲。一片石銘武皇帝。千章樹認大將軍。宮中鈺礮哀龍種。家裏笙歌冷翠裙。拱墓誰人綿奕葉。芳初香艸堂詩集卷之四

枝一例長金根。康陵

上界神霄路渺茫。夜臺烟樹亦蒼蒼。壽宮擇地仍黃土。封事箋天枉綠章。大禮幾人爭寢廟。軍書無計靖邊疆。至今華屋空山裏。脫屣猶堪說漢皇。永陵

烽火西來燒遠天。紅羊劫換甲申年。壞雲被髮驂文豹。落日傷心哭杜鵑。

聖代推恩山嶽嶺。思陵無恙草芊芊。何如殘趙冬青樹。厄骨秋墳

莽斷烟。思陵

太息衷忠勒墓碑。當年時事小支離。奄人衣鉢紛煬竈。委鬼貂璫

更立祠。豈謂登天徵豎夢。竟甘殉國答恩知。九門爭啟迎新主。誰共西山倚桂旗。王承恩

早起卽景

連日終風暴。且霾曉窗。忽聽雨聲來。客中屈指清明近。嶺塢桃花

次第開

客寓

碧峯深處有邊廬。暫息征人似隱居。風雪猶留邊地冷。清明已是暮春初。未能免俗分新火。豈不懷歸畏簡書。見說桃源山外是。芒鞋時復逐樵漁。

初春艸堂詩集

卷之四

三

卽事

數里松陵路。崎嶇信馬蹄。疎燈閃村外。新月掛天西。怪石如人立。驚禽易樹栖。柴門知不遠。約畧認前溪。

清明日書焦氏易林後

一百五日春過半。三十六宮爻問義。麗過楊雄草元語。清如東哲補亡詩。儒林衣鉢蘭臺記。梁苑才華竹素披。我亦牽絲來上國。可能政似小黃時。

雨後

疎窗一夜雨。濼纖曉起重。將半臂添。試向杏花林外看。濕雲猶自

護山尖

雨後贈山人

白雲猶護衆山顛。叱犢人耕村外田。沐雨林嵐松點黛。近溪籬落竹行鞭。百千畝秫籌家醞。三兩聲雞出午烟。仿佛桃源春正好。幾人花底問漁船。

將之經州別新昌人士

何曾面目改書生。五載燕南薄宦情。謬荷書登循吏最。愧聽民話長官清。注經亭古留鴻爪。種玉峯高指駟程。見說黔黎思借寇。臨歧不盡意縱橫。

初香艸堂詩集

卷之四

三

粗官原未計遷除。天際浮雲信所如。歸隱尚勞千里夢。移家仍載五車書。關心人士絃歌處。屈指桑麻水旱餘。別後相思隔烟水。滄波猶可寄雙魚。

紀程八詠

萬名衣傘收行篋。夾道黔黎奉酒尊。歧路不曾揮別淚。惟應河上石將軍。發新城

夕陽疎雨方城宿。向曉桑乾又渡河。曾是當年辛苦地。莫教風浪

起蛟鼉。渡桑乾

綠林茅屋野人家。古陌彎環一徑斜。小市甘酸有兼味。朱櫻白菘

總堪誇苑平道中

南苑涼波引作渠接阡禾稼綠雲鋪上林誰有相如筆請賦幽風  
七月圖南苑

潞水遙通析木津渡頭日日醉征塵有時我亦扁舟去江上鴟夷  
莫笑人潞河

西來山勢劃中原烟樹蒼茫指薊門詩思欲成前出塞平沙白日  
大渾渾漁陽道中

驅馬人從輦路回松峯千仞聳崔嵬碧莎白石清流細一路山禽  
阿濫堆東陵道中

初香艸堂詩集卷之四

三

疊嶂摩天夕照晴石門驛路接山城公孫營寨田疇里忍聽秋邊  
畫角聲遵化道中

薊州山行抵石門驛

衆峯駢參差頗訝巨靈跡相與爭青天突兀各有力瀚雲起其顛  
蒼松附其側清泉瀉河流石子粼粼白山風四面來清冷蕩膺臍  
邊關畫角聲夕陽倦馬匹指點將軍營蒼茫在暮色僻徑亂山中  
每慮歧途惑茅屋起炊烟古驛聊肩息一枕熟黃梁塵夢醒未得  
無終山房書孟在星詩卷後

千餘里外看新作二十年來感舊遊趙北鴻泥如昨夢遼西蟾月

又新秋故人能織鴛鴦綺豪句眞翻鸚鵡洲何日粗酬身世了琴  
尊重訪繡江頭

絢香艸堂詩集

卷之四

十四

萼村蓋謫仙才也與三比里居愧予稍馬齒長自幼見其詩若文  
粲花垂露心儀之爲蓬苑中人自初應童子試及諸生應歲科每  
試輒冠其軍遊歷下以詩文受知於梓亭萼君諸先生一時文譽  
噪二東然久滯場屋歲乙酉廼以選拔倩而戊子己丑遂聯步捷  
南宮記戊子秋闈前邑詩人李東溟夢至一第見新標金榜其第  
二人乃萼村因往述以賀萼村紀以詩留爲徵及闈後榜發而萼  
村名第二果不謬一時傳爲竒兆乃知塏上第三斗下第七科名  
前定非偶然也獨怪以萼村之才與學旣聯步南宮矣胡不卽以  
之著作承明之盧翹翔清切之地而僅以分符百里爲牛刀試一

初香艸堂詩集

跋

一

割其亦有數焉存其間耶然萼村之才之學固不以是爲輕重也  
萼村知新城延予授其二子經因出其詩集命予校閱予盥手讀  
之大抵五言古於唐近陳伯玉張曲江七言古出義山昌谷而時  
運以太白之竒氣灑然天仙辭也近體五言精渾超脫直追王孟  
七言出入中晚其高華典貴乃酷似近代庭實而揆厥本原總之  
自騷蓋哀怨穠鬱之致乃其瓌瑰雄竒之所從出也全集篇帙甚  
多萼村酌損之以付剞劂氏而凡千言鬪富險韻爭竒與一切吟  
風弄月委花斷葉之篇槩置不入從約也至命其集曰初香草堂  
則猶是秋蘭爲佩之意也夫道光乙未五月柳塘弟吳連周跋

紉香艸堂詩題辭

其骨秀其韻清其言麗以則此一石才無庸缺其二斗

玉堂弟袁潔

繡江烟月畫難成付與司空妙品評  
七字新聲諧鳳嘯卅年浪跡託鷗盟  
西山好望雲間氣東國誰高歷下名  
如此竒才作仙吏花封豈第有琴鳴

年愚弟謝鳴謙

襟期適俗識解超羣屬對選詞靈  
心慧舌如入五都之市萬寶雜陳  
目不給賞

紉香艸堂詩集

一

年愚弟劉奮南

尊製大邸發源於香山放翁而包羅萬有衆靈雜選  
奔赴腕下能爲少陵能爲太白能爲摩詰時而竒古典重學昌黎時而靈怪俶詭  
學昌谷令讀者莫名其妙此才豈止八斗

甲午夏五月嘉應楊懋建

日來讀紉香草堂詩根柢槃深言皆有含蓄之致甚愜鄙懷拙序一篇奉正試帖亦無時下雕鏤小家氣可附正稿日後進境無窮著述定富此本剞劂未工須另換大書深刻方足垂久序文照朱字寫刊亦大方家數也

乙未秋九月望日通家生李宗昉

騷情雅調本天工不買胭脂畫亦濃稷下精英鍾海岱燕臺身世感泥鴻幽人懷抱幽蘭韻大筆淋漓大國風珠玉九天生咳唾於今又見李山東

分符偶現宰官身翰墨猶餘未了因出岫雲能作霖雨栽花手恰稱詩人齊音嗣響東阿派楚客工吟白雪春見說文章徵福澤知君未合老風塵

蜀南年愚弟石樓梁炳

紉香艸堂詩集

二

憶昔相過繡水潯  
漉蘭沚芷訂知音  
祇今流水高山曲  
傳出鍾前千古心

蓮子湖邊問字頻  
詩瓢酒椀總前因  
誰知蕊榜徵名次  
也有先幾到故人

保陽奉檄促征鞭  
鴻爪依依又幾年  
秋雨春風寒夜雪  
新詩同檢小窠前

新昌廉吏四經秋  
水毀金穰計畫周  
豈獨春風花滿縣  
循良聲已遍遐陬

東溟弟李鄴拜稿

紉香艸堂詩集

題辭

一

題辭

新昌廉吏四經秋  
水毀金穰計畫周  
豈獨春風花滿縣  
循良聲已遍遐陬

新昌廉吏四經秋  
水毀金穰計畫周  
豈獨春風花滿縣  
循良聲已遍遐陬

題辭

新昌廉吏四經秋  
水毀金穰計畫周  
豈獨春風花滿縣  
循良聲已遍遐陬

千古心

新昌廉吏四經秋  
水毀金穰計畫周  
豈獨春風花滿縣  
循良聲已遍遐陬

